

民国学术经典丛书

中华二千年史

三

邓之诚◎著



中国社会科学出版社

民国学术经典丛书

中华二千年史

邓之诚◎著



中国社会科学出版社

卷五



明清上

明

明世系

自太祖称帝，1368年。至永历帝被执，1661年。凡十九主，共二百九十四年。

太祖，姓朱，名元璋，字国瑞。先世家沛，徙句容，再徙泗州，父世珍，始徙濠州之钟离。帝年十七，父母兄相继歿，孤贫无所依，乃入皇觉寺为僧，以元顺帝至正十二年，1352年。从郭子兴起兵于濠州；二十四年，1364年。称吴王，用韩林儿龙凤年号；二十八年，1368年。即皇帝位，国号大明，建元洪武。在位凡三十一年。

惠帝，名允炆，太祖孙，懿文太子标第二子也。洪武二十五年，立为皇太孙。太祖崩，继立，改元建文。燕王兵入京师，宫中火起，帝不知所终。在位凡四年。

成祖，名棣，太祖第四子也，封燕王。削藩议起，遂举兵反，称其师曰靖难。建文四年1402年。六月，陷京师，即帝位，仍以洪武三十五年纪年。明年，改元永乐。在位凡二十二年。

仁宗，名高炽，成祖长子也。嗣立，改元洪熙，在位凡一年。

宣宗，名瞻基，仁宗长子也。嗣立，改元宣德，在位凡十年。

英宗，名祁镇，宣宗长子也。嗣立，政元正统。十四年。土木师溃，帝被虏北去，景帝即位，遥尊为太上皇帝。景泰元年归，入居南内。八年正月，景帝有疾，石亨、徐有贞等，迎太上皇帝复辟，改元天顺。八年。在位凡二十二年。

景帝，名祁钰，宣宗次子也，封郕王。正统十四年八月，英宗北狩，继立，改元景泰。七年。英宗复辟，仍废为郕王。在位凡七年。





宪宗，名见深，英宗长子也。嗣立，改元成化，在位凡二十三年。

孝宗，名祐樞，宪宗第三子也。嗣立，改元弘治，在位凡十八年。

武宗，名厚照，孝宗长子也。嗣立，改元正德，在位凡十六年。

世宗，名厚熜，宪宗孙也，父兴献王祐杭。武宗无嗣，慈寿皇太后与大学士杨廷和定策，迎王即帝位，改元嘉靖，在位凡四十五年。

穆宗，名载坫，世宗第三子也，封裕王。继立，改元隆庆，在位凡六年。

神宗，名翊钧，穆宗第三子也。隆庆二年，立为皇太子。嗣立，改元万历，在位凡四十七年。

光宗，名常洛，神宗长子也。嗣立，改元泰昌，在位凡一年。

熹宗，名由校，光宗长子也。嗣立，改元天启，在位凡七年。


思宗，名由检，光宗第五子也。封信王，继立，改元崇祯。李自成破京师，帝崩于煤山。在位凡十七年。

弘光帝，名由崧，神宗之孙也，袭封福王。李自成破京师，避地至淮安，凤阳总督马士英等，迎王入南京，甲申明崇祯十七年，清世祖顺治元年，1644年。四月，称帝，明年，改元弘光。乙酉顺治二年。五月，清兵破南京，帝走芜湖，依黄得功，清兵追至，被执北去。在位凡一年。

隆武帝，名聿键，太祖九世孙。太祖第二十三子璘之后。袭封唐王。南都破，南行至杭，镇江总兵官郑鸿逵等，遂奉以入闽，乙酉闰六月，立于福州，改元隆武。丙戌六月，清兵取绍兴。八月，清兵入闽，帝至汀州，被执，死之。在位凡一年。

永历帝，名由榔，神宗之孙也。随父桂王，避地于梧州，隆武被执，于是两广总督丁魁楚、广西巡抚瞿式耜等，共推监国，迎立于肇庆，丙戌十一月，称帝，改元永历。后为清兵所逼，于甲午，清顺治十一年。奔云南；己亥顺治十六年。奔缅甸；辛丑，顺治十八年，1661年。清兵临缅，执之而归，明年四月，为吴三桂所弑。在位凡十五年。明亡。

附明帝系表




一 明之统一

当太祖进取金陵、略定江表时，东有张士诚，西有陈友谅，俱称劲敌。而友谅称汉。控扼上游，兵强势盛，常有鲸吞之志，是以数相攻击，得失互见，及鄱阳湖一战，雌雄乃决，明之基业，于是始固。

明太祖朱元璋像

元顺帝至正二十三年，1363年。七月，太祖自将救洪都，即南昌，时为陈友谅所围攻。次湖口，先伏兵泾江口及南湖觜，遏友谅归路，檄信州兵，守武阳渡。友谅闻太祖至，解围，逆战于鄱阳湖。友谅兵号六十万，……太祖分军十一队以御之。……友谅悉巨舰出战，诸将舟小，仰攻不利。……会日晡，大风起东北，乃……纵火焚友谅舟。……友谅兵大乱，诸将鼓噪乘之，……友谅气夺。复战，友谅复大败，于是……太祖移军扼左蠡，友谅亦退保渚矶。……八月，友谅食尽，趋南湖觜，为南湖军所遏，遂突湖口，太祖邀之，顺流搏战。及于泾





江，泾江军复遮击之，友谅中流矢死，张定边以其子理奔武昌。（《明史》卷一《太祖纪》一）

友谅……死，军大溃，……太尉张定边，夜挟友谅次子理，载其尸遁还武昌。……子理既还武昌，嗣伪位，改元德寿。是冬，太祖亲征武昌。明年至正二十四年。二月，再亲征，……太祖乃遣其故臣罗复仁入城招理，理遂降。（《明史》卷一二三《陈友谅传》）

太祖既灭汉，悉得江楚地，遂移师东指，以征张士诚。

当是时，士诚所据，南抵绍兴，北逾徐州，达于济宁之金沟，西距汝、颍、濠、泗，东薄海二千余里，带甲数十万。……吴承平久，户口殷盛，士诚渐奢纵，怠于政事。……友谅亦遣使约士诚夹攻太祖，而士诚欲守境观变，许使者，卒不行。太祖既平武昌，师还，即命徐达等规取淮东，……围高邮。士诚以舟师溯江来援，太祖自将击走之，达等遂拔高邮，取淮安，悉定淮北地。于是移檄平江，今江苏吴县，士诚建都地。数士诚八罪，徐达、常遇春，帅兵自太湖趋湖州。……士诚知事急，亲督兵来战，败于皂林，……湖州守将李伯升等以城降，嘉兴松江相继降，潘原明亦以杭州降于李文忠。至正。二十六年1366年。十一月，大军进攻平江，筑长围困之。……二十七年即太祖吴元年。九月，城破，士诚……至金陵，竟自缢死。（《明史》卷一二三《张士诚传》）


时浙东尚为方国珍所据，太祖乘胜，遣兵击灭之。

吴元年，克杭州，国珍据境自如，遣间谍假贡献名覘胜负，又数通好于扩廓帖木儿及陈友定，图为犄角，太祖闻之怒。……至正二十七年九月，太祖已破平江，命参政朱亮祖攻台州，国瑛国珍弟迎战，败走，进克温州。平南将军汤和，以大军长驱抵庆元，浙江鄞县。国珍帅所部遁入海，追败之盘屿，其部将相次降。和数令人示以顺逆，国珍乃遣子关，奉表乞降。（《明史》卷一二三《方国珍传》）

太祖既下江浙，乃遣将分道经略南北。

至正二十七年十月，……徐达为征虏大将军，常遇春为副将军，帅师二十五万，由淮入河，北取中原；胡廷瑞为征南将军，何文辉为副将军，取福建；湖广行省平章杨璟、左丞周德兴、参政张彬，取广

朱元璋给徐达下的军令



西。《《明史》卷一《太祖纪》一）

其南定闽广，用兵经过如下。

太祖既平方国珍，即发兵伐友定，将军胡廷美、何文辉，由江西趋杉关，汤和、廖永忠，由明州海道取福州，李文忠由浦城取建宁。……友定……闻杉关破，急分军为二，以一军守福，而自帅一军守延平，以相椅角。及汤和等舟师抵福州之五虎门，平章曲出，引兵逆战败，明兵缘南台蚁附登城，守将遁去。《《明史》卷一二四《陈友定传》）

洪武元年元顺帝至正二十八年，1368年。正月，……胡廷瑞克建宁，……汤和克延平，执元平章陈友定，福建平。《《明史》卷二《太祖纪》二）

洪武元年，……永忠。拜征南将军，以朱亮祖为副，由海道取广东。永忠先发书谕元左丞何真，晓譬利害，真即奉表请降。至东莞，真帅官属出迎。至广州，……驰谕九真、日南、朱厓、儋耳三十余城，皆纳印请吏。进取广西，至梧州，……浔、柳诸路皆下，遣亮祖会杨璟，收未下州郡，永忠引兵克南宁，降象州，两广悉平。《《明史》卷一二九《廖永忠传》）

杨璟……以功擢湖广行省参政，……迁行省平章政事，帅左丞周德兴、参政张彬，将武昌诸卫军取广西。洪武元年春，进攻永州，……围之，……遣千户王廷取宝庆，德兴、彬取全州，略定道州、蓝

卷五
明清





山、桂阳、武冈诸州县。而永州久不下，令裨将分管诸门，筑垒困之，造浮桥西江上，急攻之，……遂克永州。而征南将军廖永忠、参政朱亮祖，亦自广东取梧州，定浔、贵、郁林。亮祖以兵来会，进攻靖江，……二月，克之。……张彬……复移师徇郴州，降两江土官黄英、岑伯颜等，而永忠亦定南宁、象州，广西悉平。（《明史》卷一二九《杨璟传》）

其北伐用兵经过如下。

召诸将议北征，太祖曰：“山东则王宣反侧，河南则扩廓跋扈，关陇则李思齐、张思道，梟张猜忌。元祚将亡，……今将北伐。……元建国百年，守备必固，悬军深入，馈饷不前，援兵四集，危道也。吾欲先取山东，撤彼屏蔽，移兵两河，破其藩篱，拔潼关而守之，扼其户槛。天下形胜，入我掌握，然后进兵元都，势孤援绝，不战自克，鼓行而西，云中、九原、关陇，可席卷也。（《明史》卷一《太祖纪》一）

徐达拜征虏大将军，以常遇春为副，帅步骑二十五万人，北取中原，太祖亲謁于龙江。……又谓达，进取方略，宜自山东始。师行，克沂州，降守将王宣，进克峰州，王宣复叛，击斩之。莒、密、海诸州悉下，乃使韩政分兵扼河，张兴祖取东平、济宁，而自帅大军拔益都。徇下潍、胶诸州县，济南降，分兵取登、莱，齐地悉定。（《明史》卷一二五《徐达传》）

洪武元年，……还军济宁，引舟师溯河趋汴梁，守将李克彝走，左君弼、竹贞等降，遂自虎牢关入洛阳，与元将脱因帖木儿，大战洛水北，破走之。梁王阿鲁温以河南降，略定嵩、陕、陈、汝诸州，遂捣潼关，李思齐奔凤翔，张思道奔郾城，遂入关，西至华州。（《明史》卷一二五《徐达传》）

达……遂与副将军会师河阴，遣裨将分道徇河北地，连下卫辉、彰德、广平。师次临清，使傅友德开陆道通步骑，顾时浚河通舟师，遂引而北。遇春已克德州，合兵取长芦，扼直沽，作浮桥以济师，水陆并进，大败元军于河西务。进克通州，顺帝帅后妃太子北去。逾日，达陈兵齐化门，填濠登城。……捷闻，诏以元都为北平府，置六卫，留孙兴祖等守之。（《明史》卷一二五《徐达传》）

达与遇春，进取山西。遇春先下保定、中山、真定，冯胜，汤和


下怀庆，度太行，取泽、潞，达以大军继之。时扩廓帖木儿，方引兵出雁门，将由居庸以攻北平。……乃引兵趋太原，扩廓至保安，果还救，达选精兵夜袭其营，扩廓以十八骑遁去，尽降其众，遂克太原。乘势收大同，分兵徇未下州县，山西悉平。（《明史》卷一二五《徐达传》）

洪武二年，引兵西渡河，至鹿台，张思道遁，遂克奉元。时遇春

下凤翔，李思齐走临洮，达会诸将议所向，皆曰：“张思道之才，不如李思齐，而庆阳易于临洮，请先庆阳。”达曰：“不然。庆阳城险而兵精，猝未易拔也。临洮北界河湟，西控羌戎，……蹙以大兵，思齐不走，则束手缚矣。临洮既克，于旁郡何有？”遂渡陇，克秦州，下伏羌、宁远，入巩昌，遣右副将军冯胜，逼临洮，思齐果不战降。分兵克兰州，袭走豫王，……还出萧关，下平凉。思道走宁夏，为扩廓所执。其弟良臣以庆阳降，达遣薛显受之。良臣复叛，夜出兵袭伤显，达督军围之，……遂拔庆阳。……尽定陕西地，诏达班师。（《明史》卷一二五《徐达传》）

岭表既平，中原奠定，惟明升犹据两川称帝，太祖复命傅友德、汤和等分道进讨，连败夏兵，定蜀地。

洪武四年，友德充征虜前将军，与征西将军汤和，分道伐蜀。和帅廖永忠等，以舟师攻瞿塘；友德帅顾时等，以步骑出秦陇。太祖谕友德曰：“蜀人闻我西伐，必悉精锐，东守瞿塘，北阻金牛，以抗我师。若出不意，直捣阶、文，门户既隳，腹心自溃。兵贵神速，患不勇耳。”友德疾驰至陕，集诸军，声言出金牛，而潜引兵趋陈仓，攀



朱元璋北上伐元示意图

卷五
明清



援岩谷，昼夜行，抵阶州，败蜀将丁世珍，克其城，……拔文州，……趋绵州。……初蜀人闻大军西征，丞相戴寿等，果悉众守瞿塘，及闻友德破阶、文，捣江油，始分兵援汉州，以保成都。未至，友德已破其守将。……援师远来，……迎击，大败之，遂拔汉州，进围成都。……寿等闻其主明升已降，乃籍府库仓廩，面缚诣军门。成都平，分兵徇州邑未下者，……蜀地悉定。（《明史》卷一二九《傅友德传》）

洪武四年，和拜征西将军，与副将军廖永忠，帅舟师溯江伐夏。夏人以兵扼险，攻不克，江水暴涨，驻师大溪口，久不进。而傅友德已自秦陇深入，取汉中。永忠先驱，破瞿塘关，入夔州，和乃引军继之，入重庆，降明升。（《明史》卷一二六《汤和传》）

云南为元梁王把匝剌瓦尔密所据，太祖召谕之，不听，于是遣傅友德、蓝玉、沐英等讨平之，并戡定大理。至此，中国本部，始归于一统。

洪武十四年……秋，充征南将军，帅左副将军蓝玉、右副将军沐英，将步骑三十万，征云南。至湖广，分遣都督胡海等，将兵五万，由永宁四川叙永县。趋乌撒，云南镇雄县。而自帅大军由辰、沅趋贵州。克普定、普安，降诸苗蛮，进攻曲靖，云南曲靖县。大战白石江，禽元平章达里麻。遂击乌撒，循格孤山而南，以通永宁之兵，遣两将军趋

云南，元梁王至元四年，封皇子忽哥赤为云南王，为都元帅实合丁所毒死。二十七年，改封皇孙甘麻剌为梁王，自是镇云南者，多以梁王及云南王为封爵。至正初，把匝剌瓦尔密以宗室袭封梁王。走死。友德城乌撒，群蛮来争，奋击破之，得七星关在贵州毕节县西九十里七星山上。以通毕节。又克可渡河，北盘江之上游。降东川乌蒙云南昭通县、芒部云南镇雄县诸蛮，……诸部皆降。（《明史》卷一二九《傅友德传》）

洪武十四年。……拜征南右副将军，同永昌侯蓝玉，从将军傅友德取云南。元梁王遣平章达里麻。以兵十余万，拒于曲靖，英……大败之，生禽达里麻，……长驱入云南，梁王走死，……属郡皆下。独大理倚点苍山、洱海，

沐英像



扼龙首、龙尾二关。关故南诏筑，土酋段世段思平，自石晋天福中，据有南诏地，称大理国。宋宝祐三年，蒙古忽必烈攻大理，段兴智迎降，因改置大理万户府，授之，寻又改为大理路总管，使世守其职。守之。英自将抵下关，遣王弼由洱水东趋上关，……夹击，禽段世，遂拔大理，分兵收未附诸蛮。……回军，与友德会滇池，分道平乌撒、东川、建昌、芒部诸蛮。……明年，十五年。诏友德及玉班师，而留英镇滇中。（《明史》卷一二六《沐英传》）

辽东虽亦降附，但元氏遗族，尚盘据各地。其间拥众最多者，则为纳哈出，后经冯胜进攻，纳哈出乃降。

洪武四年二月，……元平章刘益，以辽东降。（《明史》卷二《太祖纪》二）

初，元主北走，其辽阳行省参政刘益屯盖州，与平章高家奴相为声援，保金、复等州。帝遣断事黄俦赍诏谕益，益籍所部兵马钱粮舆地之数来归，乃立辽阳指挥使司，以益为指挥同知。未几，元平章洪保保、马彦鞬合谋杀益，右丞张良佐、左丞商嵩，擒彦鞬杀之，保保挟俦走纳哈出营。良佐因权卫事，以状闻，且言“辽东僻处海隅，肘腋皆敌境，平章高家奴守辽阳山寨，知院哈刺章屯沈阳古城，开元则右丞也先不花，金山则太尉纳哈出，彼此相依，时谋入犯，今保保逃往，衅必起。……”帝命立良佐、嵩，俱为盖州卫指挥僉事。既念辽阳重地，复设都指挥使司，统辖诸卫，以旺马云并为都指挥使，往镇之。（《明史》卷一三四《叶旺马云传》）

纳哈出者，元木华黎裔孙，为太平路万户。太祖克太平，被执，以名臣后，待之厚，知其不忘元，资遣北归。元既亡，纳哈出聚兵金山，……数犯辽东。（《明史》卷一二九《冯胜传》）

丞相纳哈出，拥二十万众，据金山，辽宁开原县西北。数窥伺辽。洪武二十年1387年。春，命宋国公冯胜为大将军，率颖川侯傅友德、永昌侯蓝玉等，将兵二十万征之，还其先所获元将乃剌吾。纳哈出驍将，洪武八

明辽东王玺印





年，侵金州，中伏被擒，见《叶旺传》。胜军驻通州，遣蓝玉乘大雪袭庆州，内蒙林西县。克之。夏，师逾金山，……乃刺吾归，备以朝廷抚恤恩语其众，于是全国公观童来降。纳哈出因闻乃刺吾之言已心悸，复为大军所迫，乃阳使人至大将军营纳款，以覘兵势。胜遣玉往受降，使者见胜军，还报，纳哈出仰天叹曰：“天弗使吾有此众矣！”遂率数百骑诣玉纳降，……先后降其部曲二十余万人。（《明史》卷三二七《鞑靼传》）

二 明初之政局

（一）开国治术

太祖既定宇内，惩元季姑息之弊，为政尚严，果于戮辱，视士大夫若仆隶。且集政柄于一身，废宰辅不设，君权高张，前此未有。一切设施，名为祖训祖制，一代不敢更易。中叶以后，主昏臣偷，政治混浊，为历朝所无，未尝不由始谋者之不臧也。

叶伯巨，字居升，宁海人，……授平遥训道。洪武九年，星变，诏求直言，伯巨上书，略曰：“臣观当今之事，太过者三，分封太侈也，用刑太繁也，求治太速也。……议者曰：宋元中叶，专事姑息，赏罚无章，以致亡灭。主上痛惩其弊，故制不宥之刑，权神变之法，使人知惧，而莫测其端也。……而用刑之际，多裁自圣衷，遂使治狱之吏，务趋求意旨，深刻者多功，平反者得罪，欲求治狱之平，岂易得哉？……古之为士者，以登仕为荣，以罢职为辱；今之为士者，以溷迹无闻为福，以受玷不录为幸，以屯田工役为必获之罪，以鞭笞捶楚为寻常之辱。其始也，朝廷取天下之士，网罗捃摭，务无余逸，有司敦迫上道，如捕重囚。比到京师而除官，多以貌选，所学或非其所用，所用或非其所学。洎乎居官，一有差跌，苟免诛戮，则必在屯田工役之科，率是为常，不少顾惜。……致使朝不谋夕，弃其廉耻，或事掊克，以备屯田工役之资者，率皆是也。……陛下切切以民俗浇

滴，人不知惧，法出而奸生，令下而诈起，故或朝信而暮猜者有之，昨日所进、今日被戮者有之，乃至令下而寻改，已赦而复收，天下臣民，莫之适从。……开国以来，选举秀才，不为不多，所任名位，不为不重，自今数之，在者有几？臣恐后之视今，亦犹今之视昔，昔年所举之人，岂不深可痛惜乎。（《明史》卷一三九《叶伯巨传》）

帝初即位，惩元宽纵，用法太严，奉行者重足立。（《明史》卷一三八《周桢传》）

时官吏有罪者，笞以上悉谪屯凤阳，至万数。（《明史》卷一三九《韩宜可传》）


工部尚书夏祥，毙杖下，……廷杖之刑，亦自太祖始矣。（《明史》卷九五《刑法志》三）

当太祖起事之初，赖群策群力，以定四方，对于死事者，庙祀典制特隆。

至正二十四年正月，……乃即吴王位。……四月，建祠，祀死事丁普郎等于康郎山，赵德胜等于南昌。（《明史》卷一《太祖纪》一）

友谅围南昌八十五日，先后战死者，凡十四人。……事平，皆赠爵侯、伯以下有差，立忠臣庙于豫章，并祠十四人，以德胜为首，而康郎山战死者三十五人，首丁普郎。（《明史》卷一三三《赵德胜传》）

洪武二年正月，立功臣庙于鸡笼山。（《明史》卷二《太祖纪》二）



鸡笼山

卷五
明清





太祖既以功臣配享太庙，又命别立庙于鸡笼山，论次功臣二十有一人，正殿：徐达、常遇春、李文忠、邓愈、汤和、沐英；西序：胡大海、赵德胜、华高、俞通海、吴良、曹良臣、吴复、孙兴祖；东序：冯国用、耿再成、丁德兴、张德胜、吴桢、康茂才、茅成。死者塑像，生者虚其位。（《明史》卷五〇《礼志》四）

诸将之有功者，更不惜崇以高位尊爵，每次出征还师，即行大除拜。

洪武三年十一月，北征师还，告武成于郊庙，大封功臣，进李善长韩国公、徐达魏国公，封李文忠曹国公、冯胜宋国公、邓愈卫国公、常遇春子茂郑国公，汤和等侯者二十八人。（《明史》卷二《太祖纪》二）

洪武十二年九月，沐英大破西番，禽其部长三副使。十一月，沐英班师，封仇成、蓝玉等十二人为侯。（《明史》卷二《太祖纪》二）

迨天下粗定，帝虑诸功臣跋扈难制，为后世子孙患，乃罗织其罪，大事诛戮。胡、蓝两狱，株连元勋宿将，得免者盖寡。惨核寡恩，从古未之有也。

明祖借诸功臣以取天下，及天下既定，即尽举取天下之人而尽杀之，其残忍实千古所未有。盖……明祖则起事虽早，而天下大定，则年已六十余，懿文太子又柔仁，懿文死，孙更孱弱，遂不得不为身后之虑，是以两兴大狱，一网打尽，此可以推见其心迹也，胡惟庸之死，在洪武十三年，同诛者，不过陈宁、涂节数人。至胡党之狱，则在二十三年，距惟庸死时，已十余年，岂有逆首已死，同谋之人至十余年始败露者？此不过借惟庸为题，使狱词牵连诸人，为草薶禽猕之计耳。胡党既诛，犹以为未尽，则二十六年，又兴蓝党之狱，于是诸功臣宿将殆尽。……此外又有非二党，而别以事诛者。廖永忠功最大，以僭用龙凤诸不法事赐死。汪广洋虽不入胡党，帝追念其在江西曲庇朱文正，在中书不发杨宪奸，遂赐死。周德兴年最高，以其子乱官，并德兴赐死。王弼已还乡，又召入赐死。胡美因女为贵妃，偕子婿乱官，并美赐死。李新、谢成，别以事诛死。文臣以事诛者，又有茹太素，以抗直不屈死；李仕鲁以谏帝惑僧言，命武士摔死于阶下；王朴、张衡，俱以言事死；孔克仁、陶凯、朱同，俱坐事死。于是文臣亦多

冤死。帝亦太忍矣哉！（赵翼《二十二史劄记》卷三二“胡蓝之狱”）

至胡、蓝两狱之构成，分别述之于下。

【胡狱】

胡惟庸，……洪武六年……七月，拜右丞相。久之，进左丞相。……有异谋，……乃遣明州卫指挥林贤，下海招倭，与期会，又遣元故臣封绩，致书称臣于元嗣君，请兵为外应。……乃与御史大夫陈宁、中丞涂节等，谋起事，阴告四方，及武臣从己者。……明年十三年。正月，涂节遂上变，告惟庸；御史中丞商嵩，时谪为中书省吏，亦以惟庸阴事告。帝大怒，下廷臣更讯，词连宁、节，……乃诛惟庸、宁，并及节。惟庸既死，其反状犹未尽露。……十九年十月，林贤狱成，惟庸通倭事始著。二十一年，蓝玉征沙漠，获封绩，善长不以奏。至二十三年五月，事发，捕绩下吏，讯得其状，逆谋益大著。会善长家奴卢仲谦，首善长与惟庸往来状，而陆仲亨家奴封帖木，亦首仲亨及唐胜宗、费聚、赵雄三侯，与惟庸共谋不轨。帝发怒，肃清逆党，词所连及，坐诛者三万余人，乃为昭示奸党录布告天下，株连蔓引，迄数年未靖云。（《明史》卷三〇八《胡惟庸传》）

狱具，谓善长元勋国戚，知逆谋不发举，狐疑观望怀两端，大逆不道。会有言星变，其占当移大臣，遂并其妻女弟侄家口七十余人诛之，而吉安侯陆仲亨、延安侯唐胜宗、平凉侯费聚、南雄侯赵庸、荥阳侯郑遇春、宜春侯黄彬、河南侯陆聚等，皆同时坐惟庸党死，而已故管阳侯杨璟、济宁侯顾时等，追坐者又若干人。帝手诏条列其罪，傅著狱辞，为昭示奸党三录，布告天下。（《明史》卷一二七《李善长传》）

功臣之坐胡党而死及已故而追坐爵除者——

韩国公李善长（洪武三年十一月封，二十三年五月，追坐胡惟庸党，赐死，爵除。）

吉安侯陆仲亨（同上）

延安侯唐胜宗（同上）



明五彩龙纹瓶

卷五
明清

